

平湖縣志卷三

四品銜升用同知平湖縣知縣彭潤章修

建置上 城池 公署 學校

城池

縣城 舊無城嘉靖三十二年島倭為亂巡撫王忬巡按趙炳然
 檄知府劉愨署知縣殷廷蘭鳩工興築至冬城成知縣劉存義繼
 之規制畢具三十五年知縣陳一謙復建東北二甕城四十一年
 高二丈五尺廣二丈周一千六百九丈有奇陸門五東曰啟元西
 曰毓秀南曰豫泰北曰豐亨西南曰小南門水門五西南北各一
 東據當湖巨浸為二東之北為水洞口萬歷問塞城濠闊五丈有奇程志

平湖縣志

卷三 建置上 城池

一

纂鄞縣張時徹築城記平湖故為當湖鎮海鹽所治地也宣德
 四年始析壤而邑之民以蠶稼魚鹽為業野無寇禍宵無吠驚飲
 哺謳歌嘻嘻如也承平既久海防積弛嘉靖壬子倭寇聚大掠
 於黃巖毒流海壖癸丑夏四月遂掠平湖穴南境患至恒攘莫可
 抵拒五月又掠於東湖去縣治半里許剽資貨斷耄倪焚蕩廬舍
 煙燄燭天時則郡守劉愨調兵稍引四封騷然生聚失業遺
 邑事挽舟飛控鼓勇當先寇乃稍引四封騷然生聚失業遺
 黎慄慄乃始僉議事城而文學諸生張洽陳貫陸萬鍾馮敏功陸
 萬里陸萬竣輩實倡之殷君以其事聞諸郡劉涕泣而言曰疆境
 之民吾赤子也父母之謂何而忍使橫噬於豺狼乎此不亟圖又
 何以面吾民矣乃請於撫按若藩臬諸司曰平湖東濱大海左為
 金山衛之背民矣乃請於撫按若藩臬諸司曰平湖東濱大海左為
 嘉興實浙西之藩屏無城是無邑無第郡且危矣守百身不能贖
 惟當道哀憐之諸司謂守言誠信次報可請命於朝守乃與殷
 君揆度土方酌規景向蓋不踰旬而經畫貫咸井井矣時乃因
 其井聚及水陸會通之便為水門五旱門五為奇高二丈廣如之
 外濠為內馬道為水閘圍一六八九丈有奇區畫既定人百
 表裏以石覆以磚九用官銀三萬二千八百有奇區畫既定人百
 其奮夜以繼晷刻日告成而知縣劉存義適來於九月十二日
 備於九樓櫓門關濠臺鎖鑰之類罔不畢具工啟於九月十二日
 銳於十二月二十日乃閉門乘城捍以矢石環視憤咬指曰

城如是雖百萬其能克乎遂踰而走平湖之民蓋自是得喘息矣春秋城築必書重用民也然重門禦暴設險守固先聖蓋亟言之其在今日倭患孔棘百姓皇皇莫必須與之命是惡可已乎余因守令之請而為之碑記曰森森當湖濱於大瀆屹其邑之作鎮南服林生齒以蠶以耕野無草竊虜不夜驚蠹茲島寇如蟻如蜂揚舲鼓榜內地是宮劉我士女剽我糗糧火我廬舍汚我冠裳民曰無城曷居曷粒令曰無城曷郊曷邑守實與悼盡其瀟泣上議僉同爰究爰集乃測土方乃立表極百堵具興不戒而力崇墉巖巖樓櫓翼翼既繩既齊既匡既飭狡寇匪茹張其辛螫我衆憑城一夫其百倭用震駭奔走辟易室家胥慶我哺我息昔也皇皇今也憚憚維彼愚人罔虞朝夕維此哲人謀議孔碩猗嗟諸賢功在社稷何以報之去思無射何以永之昭茲貞石

國朝順治十八年增高城堵雍正二年知縣林緒光詳准開濬水洞

五年知縣楊克慧奉檄重修城垣浙江通志動帑金九百有奇九年知

縣方以恭復濬水洞名曰永新高志按初開時止通水至是併通舟矣乾隆二十八

年知縣劉國烜以備公銀二千四百三十兩有奇復修城垣張志五

十二年知縣王恒重修城垛城樓王志嘉慶九年知縣路錞二十三

平湖縣志

卷三 建置上 城池

一一

年知縣劉肇紳道光三年知縣胡述文各捐廉重修九年知縣胡

述文復修並開濬水洞府志同治七年知縣郭恩觀九年知縣邢

守道先後請帑修葺新纂

街道 治前曰大街西起毓秀門橫達於龍吟閣南俯市河其北

义路凡一十有五為馮家衙莫家衙馬家廊下程志在西太平橋西塊

通施家坊前方衙今名倉衙居家衙在關帝廟西一名張家廊下通過

街 高家廊下通香衙蘇家衙在永安局香衙混堂衙醬園衙陰陽

衙並通縣城隍衙按府志云舊名陳牲衙學宮衙並通學大街

之南逾市河曰小街起西水門橫達於啟元門中稍折名儲家灣

其南义路凡一十有四為了髻衙通韓家埭按程志 東廊下在

安橋 王家衙一作黃街通南衙程志劉家廊下通南水長衙在

東塊 王家衙小南門街南衙米棚衙劉家廊下門市集長衙望

雲橋東 官衙通劉計家衙邃而鋸齒衙舊志名摸大衙通

今塞 街音堂 觀音堂衙一名儲清水巷通乾河頭按程志又有 胡家衙

桑園衙並通湯治西北曰倉街直達於豐亨門其西义路九二為

西衙為施家坟前其東义路九四為臭衙過家糖坊衙今名如董

家衙並通縣倉浜衙西之南達佑聖宮後東之南達過家浜街抵

香衙浜街治後曰縣後街西抵趙家浜街東抵楊家衙其北义路

九五為分金衙通倉西廊下在斜橋下馬衙賀家衙今呼楊家衙

北又為橫街二曰俞家白場嚴家衙並西通西廊下東北逕松風

臺後越北衙稍南為橫街一曰水洞街其北义路則有方家衙南

逾河又有小橫街一曰學後街舊名治東南曰大南門街由乾河

頭東逾大滑橋直達於豫泰門其西义路九三為司衙通觀音北

平湖縣志 卷三 建置上 城池 三

壇衙南壇衙通荷花其東义路亦如之為混堂衙東通塘司後衙

院今稱書南司衙東之北為橫街一曰湯家浜街在啟元橋東其南

逾塘基橋王志作越司東又為橫街一曰南司前其北义路九二

為鋸子衙新開衙並通司西之北由胡家匯為橫街一曰鳴珂里

俗呼南 西抵南水門市集其北义路九三為楊梛衙通司新街衙

通觀音 西廊下在八字北又為橫街二曰觀音堂街大堰頭逾南

河為荷花池頭治西南曰小南門街北起王家衙直達於小南門

其西义路九五為三官堂衙碗沙衙九曲衙後青秧地前青秧地

支路 其東义路九三為西衙祈堂浜街井鬚衙並通西之南越俞

家浜街達西南城角北抵韓家帶街其义路則有趙家衙東之南

為倪家廊下錠子衙其义路則有倪家衙蘆蓆匯在八字北逾河

為劉家匯九城墻下周圍皆通官道惟水洞街及嚴家衙北塞焉

志王

縣治城內圖一

縣治城外圖一

平湖縣志

卷三

建置上 城池

四






平湖縣志

卷三 建置上 城池





平湖縣志

卷三

建置上 城池

六

乍浦城 縣東南二十七里明洪武十九年信國公湯和置乍浦

守禦千戶所累土築城城形正方 海鹽圖經初張士誠據江浙築

移築乍浦城 永樂十二年都指揮使谷祥始用石甃正統八年久雨傾

頽侍郎焦宏參政俞士悅奏令杭嘉湖三府葺治景泰二年都指

揮使王謙添設城樓四 廢後 嘉靖三十三年知縣劉存義增築併建

敵樓十 倭變事畧敵樓凸出城外三面可施砲箭最為守城之利今廢 城周九里一十三步高二

丈廣一丈五尺城堞一千七百一窩舖二十七座陸門四東曰迎

暉西曰惹秀南曰朝宗北曰拱極北水門一濠周一千六百三十

丈深八尺闊十丈 志程 崇禎十一年署知縣李懷玉開設東南水門

一 朱志 明許丕祚乍浦新開水門記乍懸海上為浙西形勝宋

元時並邨落通互市以是召隙洪武十九年信國公湯和練兵

海上築七十餘城乍其一然猶擁土為牆埠至永樂時始覆外石

正統間建言有稱崇德城孔固為偽吳士誠所築徙築於乍而發

杭嘉湖三府之虞以餽之九數仍環以流水僅北關居一城中遂
成天塹而猶恨昔人經畫之疏也為門五水虎之土戍其中人
如在甕中遇警決而灌之則沈竈久即魚鼈死壅而塞之則又竭
城中人不舉火又其甚者乍之城九四面南郭而外即古戰場稍
出又大海其西則民以鹽生牟盆聲達數十里稍有餘土一望葦
茅不耕北雖原田通湖邑民有米咸走湖間來乍亦罕惟東南數
十百頃獨近乍田腴歲穫畝一鍾買易相通乍命咸係而其坎不
鑿太平猶可一且憂也是以嘉靖時倭寇偵知內犯擁據上流城
且枵腹是莫大之憂也堵截城中兵軍撮塵而食洩溺而飲不戰
自潰剽殺係囚引頸貫索長老言之猶為流涕至於軍丁凋瘵火
變時起猶其害之小者萬歷時豫章太室趙公備兵巡海指示方
畧欲東建水門以裨守禦而於觀山之頂建浮屠七級後因必需
公帑邑侯菴陳公無策遂寢崇禎十一年里人合辭上請並
得俞其說而署縣公又視師臨鎮遂以建築之事一委李公業首
之兵憲香城葉公又視師臨鎮遂以建築之事一委李公業首
心為質兼精形家親臨卜視酌於巽一已之方建水門一座爾時操
作未幾入地丈許得樁木一小方石一上著卜吉二字深入石膚
拭之不去二物並當卜向處不失參黍因嘆公目過於曾廖即昔
人籌畫若信國公厥有深意未可思議李公復助贖鍰為地方
倡事方半新任元尊吳公至一如李公因嘆二公之志何其似我
趙公也客從豫章來聞趙公物故十九年而二公克成其事神而

平湖縣志

卷三 建置上 城池

有知當為加額惟浮屠未舉始於崇禎十一年四月成於明年十
月鑿新河七十餘丈舊河狹淺者增鑿三百餘丈時董其事者則
有地方耆賢陳堯中張文韓劉士鼈丁文鸞劉應朝吳彭王建章
因思客冬讀書一葦禪舍周子斌起過訪談及東南水門事遂附
里人李孝廉廬園之未合地方而請之復請王君景儀白君啟元
監策諸耆指畫經營功成咸二君力若不祚與周子幸免罪戾何
功之有焉按記中載拆城事在正統間考府柳志云洪武十九
年海甯衛奉都督府勘合將崇德城拆運公用趙志云以築乍浦
也大約先經拆運
至是始行修築耳

國朝雍正五年移滿洲駐防官兵駐劄乍浦繕城濬濠峻整深固

江浙

通志 設陸門盤詰廳四各三間水門盤詰廳二各二間滿洲呼為堆

子房每門佐領驍騎校率兵十名更番值宿掌門之管鑰以時啟

閉乍浦志 乾隆十年知縣高國楹濬濠十三年水門內並築石牐二

十五年知縣劉純煒修城垣三十二年知縣周昭仔奉檄重修四

門並建城樓

張志

道光三年知縣胡述文捐俸重修並濬水門

府于

二十三年海防同知龍光甸重修同治五年同知吳中傑詳修南

門城垣九年海防同知徐皋復修新纂

梁莊城 縣東南四十里明正統五年四月巡按李奎以其地為

倭船最衝奏建大寨築城周八百丈高一丈五尺城樓二角樓四

程志 按舊省志云周一里高二丈池闊二丈深五尺與此小異 移海甯衛指揮一員鎮之設演

武場 海鹽圖經云在堡外 嘉靖三十二年倭寇失事遂置不守按

指三十二年督守梁莊指揮滿朝戰死白馬廟事 四十年知縣顧

廷對謂梁莊為金山乍浦接援之地申議移乍浦巡檢司居之仍

設官兵以時防禦程志

獨山巡檢司城 縣東南四十里在獨山南宋元俱名故邑巡檢

司明洪武十四年改名乍浦鎮巡檢司移駐乍浦十九年乍城設

平湖縣志

卷三

建置上 城池

八

千戶所巡檢張觀音奴建城於獨山居焉城周一百二十丈高一

丈五尺濠深二丈闊一丈五尺府志

白沙灣巡檢司城 縣東南五十三里程志 元為蘆瀝巡檢司駐廣

陳鎮西明洪武十九年改今名巡檢辛克名築城於此居焉城周

一百二十丈高一丈五尺濠深二丈闊一丈五尺府志

文深五尺 闊二丈 東西門各一內有施王廟廟左有白沙泉沿海居民賴

之城北隙地十餘畝相傳舊時演武場王志


乍浦城圖一


平湖縣志

卷三

建置上 城池

九





公署 按各署分文武秩遵會典官制排次而廢署附後九廢書院廢關梁諸門並做此焉

知縣署 明宣德四年吏部員外郎余亨相地於當湖鎮中壽康

道院之西 府吳志 浦柳環繞於東北山海拱衛於東南玉帶河為托鸚鵡

洲為峯誠列雉建署之會現為居民陸廣等之基中係祖塋兩旁族居併宗祠及壽康道院餘地本部奉命相度形勢定此地為縣

治一面奏聞令該縣擇一空地聽廣移去祖塋其族人各令別遷在士庶為分無逃在朝廷為恤民隱官民兩便仰縣一面料理候

旨定奪右劉下海鹽縣 五年七月知縣王簡創建 改道院為理廳

准此宣德四年八月 以下散處 未有定址 正統九年知縣徐韶宏治四年知縣林奇相繼營建 舍

令 正德十五年知縣郭天錫建大堂曰忠愛 又建應 宿樓 嘉靖十六年

知縣黎循典 築圍墻 據 縣堂碑補 二十五年知縣李僑 寢丞署幕舍 三十

一年知縣楊挺高 親賢館 天啟二年知縣顧國寶 塞各衙旁寶

先後興修規制始備中為忠愛堂堂東北為永盈庫架閣庫西北

平湖縣志 卷三 建置上 公署 十一

為供招科堂南為甬道立戒石 萬曆丁未知縣 蕭鳴甲改為坊 東西廊分置六房

南為儀門左右有角門門外東為土穀祠 今為軍 轎班房 西為監獄有側

房東西向為儲鹽所 今東為皂隸房西 為垣內獄主堂 右為延賓館 今為 翼房 左為巡

捕廳 天啟丙寅改為三 式館今為主簿署 直南為頭門上為譙樓左右翼為旌善 今

快班 房 申明 班今為捕 二亭堂北為腰堂左右置牖又北為燕堂 正德 中知

縣王 豐建 東為軍器房西為冊房轉而東北則內衙也中有廳事左右

有書室後樓三楹為寢室 按署內樓房止此三楹張志云正德 十六年知縣郭天錫建當即應宿樓 東

為庖為侍者房西有側廳後有觀月臺曠地數十武大堂東為贊

政廳進為龍亭庫 乾隆二十五年知縣劉 純煒奉安德藏寺大殿 為清軍衙 天啟丙寅裁 缺改為巡捕

衙 又東為督糧衙折而南為典史衙 程 志

國朝順治十八年知縣金鍛重建大堂改題曰潔愛 朱志 金鍛縣 堂碑記 縣治舊

為當湖鎮隸海鹽宣德五年郭公始建忠愛堂應宿樓而規制草創無全宇正德十五年福山郭公始建忠愛堂應宿樓而規制草然畢興嘉靖年間長清李公重之地懼將壓焉順治西冬鍛百十有奇墻垣廢圯棟宇傾頹臨民之懼將壓焉順治西冬鍛百十茲邑適踵前人敝壞之處何敢委之後人乃先建龍亭庫明有尊也次修譙樓肅大體也諸所急者稍就緒至於大堂工費不貲未敢越速舉行越辛丑竭所有官俸庀材鳩工盡起而更新之其不足者告諸紳衿里耆倡義量輸以襄厥事不佞簿書之暇躬自董理高則倍尋廣則累丈悉如舊制而中後二堂次第兼舉計三月初四日起工四月二十日告竣於是進諸父老共觀適成乃伐石而為之歌曰維彼堂兮百年於今我適來兮圯而復興民力艱兮首為捐金衆樂擊兮厥工以成登斯堂兮孔邇攸稱求無忝兮實勞我心煌煌功令兮催科靡甯哀此窮黎兮撫字良殷湖水澄泓兮矢比其清出入戴星兮慎與勤如履如臨兮守茲官箴勿剪勿伐兮深愧棠陰舊

隆四十年知縣劉雁題建觀圃四十四年知縣張力行重建改題

大堂曰平政 張力行記己亥春余奉憲檄調當湖案牘稍暇周覽

負廡壁而從事爰鳩工庀材繕修自頭門始門以內有堂三重撤而更新之大堂顏曰平政政平而綱紀畢張也二堂曰人情為田

平湖縣志 卷三 建置上 公署 十一

順人情以為教養也三堂曰燕堂公退則思政於此不敢康也堂後築室五楹樓五楹以供寢息西偏有園曰觀圃前令劉君雁題眷所重葺今更繕完之亭前有隙地復築室五楹曰香董君天晦堂老子聞木犀香註無隱之義為羣從讀書所三堂迤西而南為古藤書屋庭有藤天矯鬱蟠傳係初建治時物其他內而庖湍外而科房次第整理皆捐俸為之用書之以諗來者按張自記堂曰平政而其修縣志又曰中正未審孰是今堂額從記 五

十四年知縣王恒於天香亭東建就樹軒 王嘉慶元年知縣岱毓

重修幕室八楹 志路 十四年知縣劉炳重修 志府于 道光四年知縣胡

述文重建大堂 志新 十四年知縣沈逢恩重修 志府于 咸豐十年俱燬

僅存大堂同治八年知縣邢守道領欵重建內外共一百二十餘

間新纂重修大堂仍顏曰平政重建前軒三間東廊吏戶禮三房各政廳各一間堂西三祠堂號房各一間東廊吏戶禮三房各三間西廊兵刑工三房各三間軍轎房二間大門三戒石坊一座儀門三間左右角門各一間東軍轎房二間大門三戒石坊一座儀門三間迤東民壯房三間門右捕役房三間內左皂隸房三間右翼房一間東後川堂三間其東庫房漕房各三間稍前架閣庫三間

川堂後西守衙房一間東把門房一間其東北為內署宅門一間
東門房三間西披屋各一間其西古藤書屋三間東西披屋各二間
三廳二間迤西南北平房各五間西向披屋一間東西披屋各二間
庭東廂房各二間樓東廚房三間茶房一間西向廂屋三間
西帳房三間書房六間東向廂屋三間北向披屋二間又儀門
西監獄一所同治六年署知縣郭恩觀欵重建監門一座獄主
堂三間犴狴門一座提牢禁卒房四間外監五間繁門一座內監
三間翼卒房三間竈間一間女監一間伴婆房一間
外內監翼房披屋十五間周圍夾牆內外更房兩間

縣丞署 九二所清軍丞在縣堂正東管糧丞在縣堂東北 府志柳

天啟間清軍丞 後圯假寓城隍廟乾隆十六年知縣閻公銑撤崇
署改為巡捕衙

文書院重建於縣堂東北 縣丞孫象治碑記丞之職所以貳令一
邑之風土人物令不逮知者咸就諮焉

縣治東故有丞廳前人懼祝融之將及也而廢之久矣辛酉冬余
自會稽量移茲土訪廳事但見荒榛斷梗駢駢予嘆悼之丁
卯春昌黎閻使君蒞當湖興材敷政次第舉行顧念丞廳闕狀謂
予曰設官分職各有司廳事廢則公亦廢矣昔崔斯立曰哦而丞
下公事不治非所語於今日也尋因予奉使數年奔走不暇而丞
廳亦遂不問越庚午使君因舊書院僻在梵宇且湫隘不足改為

平湖縣志 卷三 建置上 公署 十三

乃別營治於南司萃諸生督課之復謂予曰吾將樹君署矣爰各
分廉俸撤舊書院以勸其事去其棟楹磚瓦之腐損者益以梓材
增以勳堊一新故跡關蒿營之善若夫足蔽風雨免借一枝是又
成予乃刻著於石以誌經營之善若夫足蔽風雨免借一枝是又
予之餘 五十二年縣丞彭澤濂重修并建內署 王志 彭澤濂桐
感已 亥夏由德清調任茲土歷覽廳署具如規制繼閱前任體甯孫公

碑記知為昌黎閻使君所重建心甚躋之惟是寢處湫隘無以為
退思之所幸後有隙地頗堪締構然蒞任伊始務叢集無何又
以使事頻承絡繹道亦竟置之年來事值簡靜因召匠作剪荆
去穢築書舍五楹左右各架虛廊以通出入先是地有梧桐一樹
高數仞大合抱適倚舍前清風自生翠烟自留徘徊瞻顧致足樂
也遂以桐陰顏其舍由舍迤東而北西向復結數椽為藏書處而
案牘整理亦於斯寓焉舍西墻外更敞一長廊接武後屋續又增
補繚垣若干丈全其界限而委巷之嘈雜亦遠不於丞職實有裨益
署煥然改觀矣是舉也聊以補前建之不足而於丞職實有裨益
云至工料所需悉出己俸無庸 嘉慶八年縣丞謝燦重建書室四
記止記其經始之由而勒諸石

楹路 十七年復修二十二年縣丞萬珍重葺道光八年縣丞祁鎬

十九年縣丞韓錚先後重修 府志 咸豐十年燬未建 新纂 大門三間書

吏房一間 大堂三間 顏曰清素二堂三間 書房五間 寢房五間 廚房三間 耳房三間 按同治三年後縣丞移駐新帶鎮 僦寓民房

主簿署 在縣大門內東 舊為三式館天啟六年 乾隆十六年知

縣閩公銑重修四十年主簿姚興滋建書室 志王 五十六年主簿管

濤重建二堂三楹寢室七楹 志路 道光七十年主簿林樹錦重修十五

年復葺 志府于 咸豐十年半遭燹毀同治六年主簿姚慶鏞領欵修

建十年主簿費文郁捐廉增建 新纂 大堂三間 六年修頭門一

二堂三間 其東寢室五間 均六年建 庭東耳房二間 牆東廚房三間 堂西書房一間 花廳三間 頭門內差役房一間 均十年建

典史署 在縣儀門外東 志王 嘉慶九年典史項慎植重修 志路 十八

年典史錢書成修葺道光八年復葺十八年典史汪寶瑞重修 志府于

志 咸豐十年燬同治六年典史龔鳳衢領欵重建 新纂 大門一


轎役房一間 三相祠一間 大堂三間 廊屋三間 門房一間 花廳三間 寢室七間 稿房一間 廊屋四間 廚房三間


平湖縣志

卷三 建置上 公署

十四

縣公署圖一






縣公署圖

平湖縣志

卷三

建置上 公署

十五



平湖縣志

卷三

建置上 公署

十六

教諭署

在明倫堂東明嘉靖三十九年教諭曾士彥建

三座九間 萬

歷三十一年知縣王義民建鳳翥軒

三間在儀門左 程志

國朝康熙六十一年圯雍正二年教諭趙瀚重建

高志

乾隆二十四年

重修

張志

五十三年重建教諭何蕙題其堂曰飽經

王志

署始於明嘉靖

何蕙記

庚申曾君士彥建立國朝雍正甲辰趙君瀚糾贊重建距今又六十餘稔矣棟柱朽蠹墻垣傾欹勢難苟安謀欲更新之而繼於力今年春茂才陸生子鐘何生淵上舍沈生國樞何生永溱以修署請於邑侯王明府侯嘉其義捐廉俸為倡即延陸生等董其役邑紳士各捐資以助鳩工庀材不數旬遂告厥成署前舊為軒武楹次則堂又其次則寢各三楹寢之前有廂各二楹堂距軒數武左為西廡右逼經義齋不得展寢尤卑隘諸生乃相地之宜撤軒為庭堂與寢各退舊址數弓遂增昔之三楹為五高踰於昔二尺許廂亦少加廓焉洵足以容講席適啟居殆所謂儉而有度者歟夫物之廢興成毀不可預知以予之固陋居教諭之任惟職業不修是懼於斯宇奚啻傳舍則念紳士茲日之經營况瘁嘉慶二尚義急公能不重有感於予心乎爰敘其顛末以示將來

十三年教諭章鈞沐重修

府志

咸豐十年兵燹漸毀同治六年教

諭嚴嘉榮領欵重修新纂大門一間大堂三間東西書房各一間寢房五間廂房四間

訓導署 明宏治四年教諭林光建程志府柳志云九兩所各六間 在崇聖祠

右者久廢為圃王在明倫堂西王志作東者後亦漸圯誤

國朝乾隆二十四年重修張嘉慶元年訓導凌象山重建後堂四年

重修講堂題曰耘雅路志凌象山耘雅堂記當湖儒學訓導署

基址廣狹畧相等獨東署自乾隆戊申重建後規模較前宏敞西署不逮焉考邑志署九二所明宏治四年教諭林光建一在崇聖祠右久廢為圃一即今署也則計茲署之始建歷今餘三百年其

間嗣葺增修當不可一二指數而見於志者獨乾隆二十四年其紳修學時兼修兩署而已餘則闕如故莫能詳焉余以甲寅仲秋蒞訓導任始至舊署頗有圯墜居甚局促未暇謀新每當暑雨秋

霖室若漏天中庭積潦經旬未涸輒悶終日越二載茂才陸君子鑰何君淵上舍沈君國樞何君永濤倡議重修既又得茂才馮

君庚佐之於是紳士咸勸捐資以助庀材鳩工聿新舊制堂故五楹其棟柱之朽蝨與戶牖輒斃之殘毀者悉易之既臻完固

故址於堂北構室五楹東西廂各二楹由是講誦故居規模始稱位置亦裕是役也經始丙辰葺工己未蓋比歲屋材不及從前之

平湖縣志

卷三 建置上 公署

易集而修建之時以日者言作輟參半故久而始底於成也噫嘻浮屠之宮老氏之室惑於其說者不惜揮厚貲以資式廓而談經講義之地湫隘不堪甯居甚至頹壞以即於廢莫有任其責者比比然也今邑之紳士崇正學重文教十年間儒學兩署糾賞修建次第更新其所趨與世俗異矣矧董事諸君協力單心始終如一洵所謂尚義急公敦善行而不怠者耶皆不可以無記爰書其事勒諸石以諗後之人使知當湖 二十三年訓導程夢麟重修府志風俗之近古有如此者是為記

咸豐十年燬同治五年訓導汪儒玉領欵重建新纂大門三間

間寢室五間前後廂房廚房八間

按王志云舊志教職署入學校因係官廨改列於此今從之

駐防平湖汛署 在縣治東陰陽術康熙三十一年建張志藏寺志署德

大悲閣向為防兵所據汙穢佛地荼毒僧家者幾四十年康熙丙寅九月寺僧淨源清潤等具呈撫憲金鉞飭縣清查時以捐資擇地安插弁丁詳允在案至壬申三月始議縣治東偏隙地建造營房寺僧捐銀一百二十兩又募輸銀一百九十兩併大悲閣五間移作駐防公署勒石永禁防兵不許復擾僧舍舊制大門一間大堂三間內樓三間側房二間廚房二間營房二十一間馬房二

間
久圯今假寓民房新纂

公衙門 在乍浦東門內王志按高志雍正七年建乍浦志云

萬壽冬至元旦節五更初各官齊赴公衙門拜賀訖副都統以下分兩行席地坐不交語移時散謂之坐班每月朔望黎明時各官咸集謂之上衙門筆帖式宣講聖諭畢副都統踞牀坐協領同知以下各分位坐講論公事然後散其他逢五十期惟滿洲營官弁及理事同知赴公衙門久圯新纂

海防同知署 在乍浦東門內高志明兵巡道行署基即所謂大司

也按程志雍正二年設乍浦水師營遊擊黃天寅建為署七年遊

擊柳進忠移駐南門外改為海防同知署八年同知張若震更新

之乍浦志乾隆中同知舒希忠高模盧又紳先後重修嘉慶十五年

同知劉星藻領欵重葺府志道光二十五年同知龍光甸復修咸

豐十一年燬同治五年同知吳中傑領欵移建於理事同知署故

平湖縣志

卷三 建置上 公署

址新纂頭門三間儀門三間大堂三間東西廂房四間二堂三間川堂一間後堂五間東西廂房六間書室五間簽押房三間東差房四間西差房五間花廳三間門房三間廚房三間書吏房三間

理事同知署 在海防署東明乍浦千戶所基張志康熙六十一年

海防同知曹秉仁建為署雍正七年設滿洲營改為理事同知署

乍浦志乾隆四十年同知瑞亨四十七年同知佛永嘉慶二年同知

甯泰先後修葺府志咸豐十一年燬原設大門三間儀門三間大

間內室六間書屋六間小屋一十二間又獄十間在署後之西偏同治五年復建為海防署新纂

蘆瀝場鹽課大使署 在縣東北三十九里蘆瀝市東明洪武元

年建府圖萬曆四十六年移置縣治之南門程志云竈戶趙志奎

繼升飭縣查議知縣陳熙昌陳利害最悉繼升批云據蘆瀝場原建有公署在縣錢糧無盜竊之虞改折無督煎之擾鹽引樂捷近之途輸課無稽誤之苦則移署縣城甯甯再計哉况縣署廊宇堪住一官傍有空地拆舊場物料更置之見有估修銀可動何遲疑不

決也隨於戊午十月遷建南司左

國朝康熙三十九年因離場太遠復移新倉鎮兩浙鹽法志今在全公亭

雍正六年鹽商捐建高志乾隆五十七年大使李堯文重建大門三

楹門東建城隍廟門西建上地祠嘉慶二年大使周澄增修路志咸豐十一年燬未

建新纂原設大門一間大堂三間二堂三間樓房三間書吏房二間廡房三十二間竈舍一百一十七

乍浦巡檢司署 舊在獨山嘉靖四十年移駐梁莊城

國初移入乍城初假寓僧寮康熙五十三年里人宋炳等購地於北

門內捐資創建乍浦志久圯新纂

白沙巡檢司署 在白沙灣海岸海鹽圖經詳城池舊署已廢今假寓新

倉鎮關帝廟王志旋移鎮南邑人捐建路志咸豐十一年燬未建新纂

滿洲水師副都統署 在乍浦東門內環以城協領以下署附列

平湖縣志

卷三 建置上 公署

十九

左右並雍正七年建張志原設大門三間印房五間大堂三間

房六間小屋六間協領署五原設各大門三間正廳三佐領署十有

一間原設各大門三間正廳三防禦署八原設各大門三驍騎校署

十有六原設各大門三左司署原設右司署原設前三筆帖式署

二原設各二間以上見乍浦志咸豐十一年粵逆陷乍浦滿洲城並燬移駐杭

城署均未建新纂

乍浦營水師副將署 在乍浦南門外湯山麓雍正七高志年建

為游擊署乍浦志九年改為參將署道光二十五年復改為副將署

咸豐十一年燬同治九年重建新纂頭門五間儀門五間大堂

間箭廳三間賓館三間書房六間廂房六間大堂後左營守備署

廂房六間二堂後廂房六間馬房二間更房二間左營守備署

在乍浦南門外教場雍正二年建原設大門三間儀門三間大堂

六間小屋四
間馬房三間
千總署在乍浦東門內綠旗水兵營雍正八年建

把總署二左司在乍浦北門內右司在守備署西皆雍正二年建

右營守備署在乍浦南門外陸家橋乾隆二十年建原設大門三間儀門三間

大堂三間後堂三間書房三間內室五間小屋五間
千總署在守備署側乾隆二十年建

把總署二在守備署左右皆乾隆二十年建以上見乍浦志
咸豐十一年

並燬未建新纂

嘉協右營守備署 在乍浦南門內明備倭把總署嘉靖九年把

總杭州右衛指揮楊和建二十一年把總杭州前衛指揮陳鳳四

十四年欽依把總章延廩重修海鹽圖經 海鹽董穀乍浦新纂

有帥司隘且散癸亥北川章公奉命以都指揮視師四衛所欲新

之謀於憲副肖溪王公遂白少司馬劍門趙公報可乃檄平湖令

平湖縣志

卷三 建置上 公署

直齋顧侯主之庀工須材卜基於南門之內為廳事五楹川堂三

楹後堂五楹室十有六門二前左有祠以奉土神前右有庫以藏

旗幟東北隙地別為書舍者三以便休憩馬廐庖湍井溷各得其

所雖其費出有司而經營量度綜理周密則皆公心思之所在也

公為會稽簪纓望族海上自倭變以來挺身赴難水陸鏖戰如柯

橋馬嶼龜山龍山南田南灣石塘烏牛等處所向克捷於是劍門

趙公疏聞乃授今職蒞任選驍騎城堡修艦簡士卒飭烽堠

凡旗幟戈矛劍戟弭弩煥然一新精銳堅緻興義學使人知方以

故東南賴有重鎮焉而公顧以餘力營作官廡為悠久之計如家

事者可多得哉予述其事而系之詩以紀不朽之績詩曰武原之

北當湖東中有千堞蟠如龍山環水遠巨海衝是為乍水屯兵戎

島倭窺伺來艤鎮以大將摧厥鋒哉元戎武且忠謀新幕府

當元冬落成於春規制雄將非人力其神功君子居之安以榮一

洗簡陋加尊崇蛟鱷遠避朝貢通永莫溟渤消邊烽我作歌詩貽

窮無

國朝順治十三年移嘉協守備駐乍浦改為守備署

府志 原設大門三間儀門

三間大堂三間廊房六間川堂三間花廳三間箭廳三間

書房三間內室五間小屋五間馬房二間軍裝庫一座

今燬未

按武職外委各員賃房居住俱不設署營房亦未建

陰陽學 在永豐橋西宣德五年建正統七年遷德藏寺西改建

布政分司署 程志纂

醫學 在永豐橋西宣德五年建正統七年遷壽康道院街南改

建布政分司署 程志纂

僧會司 在縣治東一百步德藏寺 府柳志 德藏寺 志署 在地藏殿

道會司 在縣治西一里佑聖宮東南隅 府圖記 王志云舊作祐聖道院誤宮為宋景

定中建道院在廣陳宋建炎中建圖記可考也

按四司署前明已廢不復建但其官現存故列於廢署前

布政分司署 在縣治西二百步永豐橋西正統六年縣丞周亨

建 府柳志 宣德時陰陽學醫學基也久廢 程志

按察分司署 在縣治東五十步壽康道院東偏宣德七年縣丞

平湖縣志

卷三 建置上 公署

二十一

孫華建名東司久廢 程志

兵備司署 在縣治東南一里舊福源寺基嘉靖三十四年知縣

劉存義建名南司久廢 程志

當湖務署 在縣治西二百五十步宋皇慶二年設明洪武初改

為當湖稅課局正統二年裁十二年復設 府柳志 正德二年巡按楊

滋奏請歸縣嘉靖元年知縣郭天錫改為公館後廢 程志

嘉興鹽運分司署 在縣東北三十九里蘆瀝市元鹽課司公所

基明太祖吳元年建後廢 府圖記

乍浦稅課局署 在乍浦元乍浦務明洪武初改建宣德初裁廢

王志

廣陳稅課局署 在廣陳元廣陳務明洪武初改建宣德初裁廢

志王

乍浦河泊所署 在乍浦卽元市舶司明洪武十四年改建宣德

初裁廢程志

乍浦千戶所署 在乍浦東門內兵巡道署東明洪武十九年建又千

戶職基各四畝百戶各二畝俱久廢海甯志

海甯衛後所署 在乍浦所西九山續志兵巡道行署西明正統七年千戶李

亨通建久廢海甯志

兵巡道署 今爲海防署王志詳見前

備倭把總署 今嘉協守備署址王志詳見前

平湖縣志

卷三 建置上 公署

學校按興賢育才莫隆於學其間釋奠有器鼓篋有書以及生徒之數廩給之資皆宜詳載外此若書院若鄉塾所以佐學之不逮者亦附書於此

學宮 在縣治東二百五十步明宣德五年吏部員外郎余亨卜

基創講堂府柳志程志云舊皆民居亨遷於東林寺基平湖

歷四十年教諭張蔚然因居民顧善言等侵佔西南隅基牒送知縣朱欽相飭拆遷讓丈實一十四畝九分有奇立石戟門記事康熙六年知縣倪适文增為一十五畝八分二釐一毫南臨大街東西北為火術闊狹相等今西南賃地造屋者七姓並止兩進每年徵租銀十兩兩

學收作葺署用 九年縣丞孫華率邑紳陸珪沈昊建大成殿東西

庶程志明三原溫純始建廟學記署平湖學宮自邑人陸迪功

為吳學矣士無廟何瞻無學何羣吾與以資豐後人甯佐公家急使士瞻且羣於斯耳於是捐資構大成殿又同邑人沈吳佐建學宮後嘉靖三十二年以海寇攻城而東南缺焉迪功曾孫刑部主事果復捐資如形家言為浮圖以當文筆士二百年瞻且羣於斯估畢簪紱翩翩矣而迪功後顯者有程鄉令銀光祿卿淞少司空杰主事果太宰光祖郎中夢韓督學使光祿而光祿與沈氏後又

平湖縣志

卷三 建置上 學校

俱首解為一方文獻之冠蓋先是廟學工甫訖縣令酌酒仰天為陸沈兩家祝願世世簪紱不絕已果然人謂縣令言若券云 正

統九年知縣徐韶修講堂天順六年知縣張甯於殿西改建明倫

堂經義治事兩齋前為儀門又前稍東為儒學門成化十年知縣

郝文傑建戟門櫺星門門左右名宦鄉賢兩祠規制始備十九年

御史劉魁買臨河民居以拓門逕 儒宮坊嘉靖十 年知縣周

仕重修據府圖十七年知縣黎循典重修併建啟聖祠敬一亭以藏

明世宗敬一箴碑文故 二十 年知縣李僑重修據府圖三十二

年教諭韋鑾訓導葉蓁王志作臻據碑記修學門建奎星樓孫校

記 四十二年知縣顧廷對重修並建塞門於櫺星門外繞以朱欄

儒學門前立文明坊臨河置石欄二十丈有奇東南隅即龍吟閣

高七十尺王志作文誤廟學志基鳴隍字圩一百一號馮敏効

龍吟閣詩百尺層臺映九峯臺端有閣夜鳴鐘空中隱

隱風雷應海外悠悠雲靄從影動芹池看變化氣連
銀漢欲飛衝幾年湖上餘荒址猶聽遺音起蟄龍
隆慶三年知

縣謝良弼重修據張大忠更補萬曆九年按陳增墓表廟災延及兩

庶戟門知縣劉士瑗更建有記朱志云時太學陳增首倡營建

卯平湖學宮遭火君首倡義舉捐資鳩工計百餘日謝曰是役
然新創事竣凡邑中士大夫所捐助者函封不啟踵門謝曰是役
也勤勞堂構願歸邑父母學師某則不敢與焉而貲財工
力則某已獨輸無煩舉據此當是陳增捐資獨建云

秋龍見東湖大風作兩廡啟聖祠儀門敬一亭龍吟閣俱壞知縣

江環修兩廡二十年教諭吳錫德修塞門朱欄知縣黃焰修敬一

亭儀門啟聖祠重建龍吟閣知縣羅尚忠龍吟閣碑記署嘉靖癸亥間法先生體議建閣於學宮巽隅

顧侯廷對成之凌空七十尺榜曰龍吟歷二紀以颶風圯萬曆壬
辰復建蓋初議者吳先生迪甫黃侯焯成之當湖彈丸地而樵李
山川畢臻於茲屹有九峯大海環其外東湖匯其內洋宮倚湖而
起茲閣適峙巽隅蓋形家言曰漢水西來東南靡砥巽隅峙文
明厥昌予曰解在易後天之圖齊乎巽也者木而迎風長而逾高
離惟巽交屬故為木為風為長為高閣也者木而迎風長而逾高

平湖縣志

卷三 建置上 學校

文明厥昌廩其然乎築沿河石欄三十一年知縣王義民重修建鳳翥軒沈懋

孝記署萬曆辛丑我邑侯晉陵王君始下車首先教化重士勸學

肅紀敦倫士以此蒸蒸風起又得博士溫陵林君者執度董業正
色精論士有嚴心愈矜奮於名節甫及兩期風移習正捷於桴答
所謂相成共事式儀振興之者厥功鉅矣以其間葺舊撤新宮墻
為之改觀人瞻其坊表如是一拓而新之舊無宰牲所今立於堂之
正殿東西廡及啟聖宮一拓而新之舊無宰牲所今立於堂之
西衙宇湫甚今拓其前為軒三楹始有講業之
次工堅事敏民不知勞宜記始末以告後之人
三十九年知縣

朱欽相重葺是年教諭張蔚然種栝有記四十二年署知縣沈鳴韶

易廟外朱欄以石天啟四年知縣顧國寶重修廟學志施鳳來

海有元珠光怪萬狀乘潮逆湍而西匯於邑治之東湖學宮即鼎
峙其上每朝瞰初起空濛開霽九山騰赤芒驚訝遠邇乃建龍吟
時有醴泉叩出天龍悅而憩其中夜騰赤芒驚訝遠邇乃建龍吟
閣以鎮之自是醇風醞氣物華天產人文甲於當世歲辛酉兵憲
趙公祖觀風於茲以湖庠獨缺尊經閣謀所以勸建者苦不得大
木以勝其任邀先師之靈海若效順忽漂來合抱三十餘株清漳
陳三尹獲焉於是縉紳冠蓋鄭重之業累石拓基未幾趙公擢去
工遂寢一夕風雨大作轟雷發於重垣有物怒飛而去透文廟西

角梁木委地如天崩地裂聲以及兩廡齋宇僅留數椽矣壬戌坊巖顧公令我湖博士孫劉韓三先生自任此圖之先生事不費表始同心為重學宮計令君毅然自任共圖之先生曰唯唯公帑不敢煩士資不擾民力惟先生始亥十二月至甲子齋戒率僚屬諸生等陳牲告廟破土鳩工始亥十二月至甲子七月工竣自啟聖祠及文廟兩廡明倫堂東西齋房巍煥一新計前後工費一百六十兩皆令君所捐俸錢也其日告於先師之靈星河燦爛仍有物焉赤帶翠翎鑿髯豐輔章綵藻絢摩雲氣中似盤旋而欲下環橋門者爭摩肩熟視始識其為龍也然則今之調而吟者毋乃即向之怒而飛者耶京師者道甚悉史氏施子聞之謹拜手誦

教諭孫啟文修鄉賢祠
啟文碑記鄉賢為首而為之記公者何明自始也崇祀者凡五十餘人俎豆光也曷以宋魯文謚公者何明自始也崇祀者凡五十餘人俎豆光也曷為而不詳其姓氏封爵載在木主不具述也廟貌久之蒙拜稽無地首捐金倡義者誰工部郎中徐楚石也誰佐襄之則諸賢之子若孫共妥先靈於無斃也告竣者何年天啟登極後之甲子歲也撰記則晚學九江孫啟文也告竣者何年天啟登極後之甲子歲也撰啟文而至者董厥成焉則若水之拙修楊公虎林之心水胡公也

例得
崇禎元年知縣程楷重修
施鳳來
六年教諭方允昌作泮池
施鳳來泮池獨缺浣上方先生至周覽內外謀之邑長賴侯寅察任博縫

平湖縣志

卷三

建置上 學校

掖知事者擇地於廟門之南與東湖九水相映如月弓狀環而翫之以石石上有欄池中植蓮芡藻荇可數自池濬後元魁接軫後湖甚大工費省而樾蔭深先生自此遠矣

夏六月颶風作廟廡

圯七年知縣賴垓留羨金千兩舉人馮洪業復捐資八百兩監生

劉亮采捐資一千兩集款重建

施鳳來重建文廟記畧自析鹽官北壤為湖邑而文廟建於兌隅拱

以九峯環以九水形家言源起天目翔舞至東湖龍氣束而風氣聚融結文明洵哉萬曆辛巳廟弗戢火新之規制加擴象貌增雄故文風日益昌熾歲癸酉秋海颶猛作殿廡震傾賴邑侯括庫稅餘俸餘共千金具申三臺經始三臺暨諸藩臬使各有捐助嗣以楊郡司馬協心措捐而市料營作計日起余與馬光祿文治創興學簿自捐勸捐領於諸紳孝廉文學亦各激奮義舉互誥勉而金錢集約二千餘緡工駢作斧鳩工董事稱用襄厥成則如兩廡與柴學博任錢諸君功居多焉今黃侯繼署乙亥某月厚自捐俸興學視成皆大有勞勩始於甲戌某月竣於乙亥某月厚自捐塵滴皆勞例得登書石左及諸紳孝廉文學輸財効力鉅細言工竣於乙亥為崇禎八年而又有署篆李侯捐俸疑職志李懷玉崇禎十一年署任則工當竣於戊寅矣存疑職志

國朝順治七年颶風作龍吟閣圯十四年知縣朱之翰金鍛相繼修

之康熙十七年邑紳士共建啟聖宮築圍牆御史陸光旭捐資獨

修大成殿二十二年教諭趙嘉暹勸輸未成卒於官二十三年

記三當 巡撫趙士麟檄令知縣陳時夏次第監修朱志 敦諭姚

備載之陸太史碑謝同寅紀事不復贅述獨是文廟與啟聖祠之

建修未詳所自敢綴一言以誌不朽康熙十六年邑紳士憫廟貌

之摧頹痛堂基之茂草謀所以輸助而鼎新之前侍御鶴田陸先

生毅然獨捐己橐庀材鳩工始事於戊午之王正落成於己未之

春仲經營匝歲約費四五百金不假他人銖黍也至若衆紳衿所

釀錕帛亦數百餘緡主收者陸藩伯筠修先生主發者陸子沛時

協理贊畫者沈子平萬陸子夏卿沈子涵中張子漢中孫子虞一

張子望之沈子仲飛陸子闇仲沈子客子陸子平馮子繩茂陸

子幽侯等共建啟聖祠而以餘力繕資東北兩向磚垣百餘丈彬

乎茲學藉以生色向非鶴田先生捐資首倡則大成一殿告竣無

日又安能美輪奐塗丹牖而慶講堂之整翼哉爰為之記竣訓

導謝師昌修學紀事署康熙甲子開府趙公下令郡邑紳士父老

得條陳地方利病當湖陸太史雅坪先生言吾邑學宮久圯葺之

宜急鳩資為難請倣湖州長興縣故事按畝輸錢民不勞而事易

集公下其事於有司邑令關中陳侯集議曰均輸甚善恐僉謀未

同公等議長策當若何前汶川令陸為里者三十里不下田四

餘畝益以士子附甲可得田十五萬畝輸錢足當學宮所估

費無用均輸為眾是其議遂上之開府報可陳侯識曰告士首建

明倫堂高廣與舊址而築堅固阿翬翥過之次修戟門成殿

圯人梯殿失足墮地十餘丈若有神掖之竟無重創次修戟門

構龍吟閣當學門久圯憶余始至祀門時從瓦礫中跪起也次

築基下壘木石無算為費甚奢三層高七丈有奇既成陳侯額其

上曰凌雲閣侍御陸鶴田先生奉文昌像供焉次構敬一亭次修

宮門又次內外牆垣百堵皆作學北有牆而西偏獨無考之古

碣西有小路因勢家居焉路漸堙及學牆圯鄰人從牆隙往來

倫堂日久為便道以故前此議築而中阻者屢矣吳興子雍姚

始來學毅然曰宮牆與民居雜處城懷壓境咎將誰歸余然之合

請於陳侯親執尺按輿圖勘故址良實遂驗還舊所侵地而

闕丙寅六月落成於時總攬大綱者監生張原格秦又容諸生

工者耆士陸雲亨也出入校理者監生張原格秦又容諸生陸

霖趙宗鄒也省工櫃者貢生沈峽陸光縉陸奇勳過陞馬宸楓

孫從謙沈璜孫夔金洪裕諸生沈峽陸光縉陸奇勳過陞馬宸楓

孫從謙沈璜孫夔金洪裕諸生沈峽陸光縉陸奇勳過陞馬宸楓

孫從謙沈璜孫夔金洪裕諸生沈峽陸光縉陸奇勳過陞馬宸楓

平湖縣志

卷三 建置上 學校

胡慶豫趙元鼎顧涵馮久徵聞人
達顧秉煜張持衡胡紹泉劉棕也
三十八年知縣王瑋修學宮詹

事高士奇修坊門五十七年邑人胡紹泉等建韓文公祠五十九

年知縣林緒光按職官志宦績傳緒光於六十年到任捐俸首倡邑人胡瞻等重濬

泮池圍以石欄雍正七年据記攝知縣白環知縣方以恭先後監

修舉人徐上法捐金首倡檢討陸奎勳等董葺至八年工竣高志陸

奎勳重修文廟碑記署邑廟學之設其來已久前代屢有興作具

詳邑乘康熙乙丑重建明倫堂兼修大成殿先叔閣學義山公紀

其事邇來風雨震凌日就傾圯有志者蒿目久矣孝廉嚴子方回

徐子乾若就商於余竊謂興修廟學雖藉賢有司之力而紳士與

有責焉夫人經營屋室務極華美至於聖人宮牆視其朽壞若唐

肆之不足介懷獨何心哉且緇衣黃冠且能壯棟宇以崇其教豈

有儒家者流而可忘所自出乎於是嚴子力任勸輸而徐子先為

之倡士林好義輕財者雲集應文學胡子原仲輩願董其役設

冊以稽數選匠以任功首修大成殿楹楠朽腐者易之瓦甍損敞

者增之施朱加漆輪奐飛次東西兩廡儀門櫺星門遂遵新令

增飾崇聖祠名宦鄉賢兩祠兼葺敬一亭泮池宮牆吟閣以及

四周垣墉啟建柏林書屋東西廟學碑記兩亭是役也費不出於

田賦工不假於里胥約計白金一千九百三十兩經始於己酉三

月落成於庚戌九月學博葉君柘村余君梅莊率諸生行釋菜禮

遠邇聚觀以為規模乾隆八年知縣高國楹修泮池石岸及萬仞

宏敞甲於他邑云宮牆按張志云癸亥春雨雪浹辰宮牆及石岸皆圯諸生馮堯則

雲劉起龍徐稼馮鈞曹曾賀徐維箕孫枝英沈鴻馨馮溥二十四

胡涵徐維城胡世棠等勸輸孟冬興作甲子仲秋告成年知縣李納璧議修候選同知屈天成倡捐庚辰工竣王志是年按

屈天成所修者大成殿兩廡戟門名宦鄉賢祠及櫺星門外石欄

其外崇聖祠明倫堂兩齋兩署禮門文公祠敬一亭儒學泮

池宮牆龍吟閣則屈維銘吳元鎮徐稼張天祿何廷鏞三十四年

平湖縣志

卷三 建置上 學校

知縣周昭仔監修刑部員外郎屈樹榮捐資修葺並重建戟門諭教

周大樞重修文廟記平湖學宮自順治以來凡四經修葺類出紳

士之捐助而候選同知屈君天成之力尤多自其考宏堅已捐助

於初而君於再葺三葺時所助金錢益博又念邑向無歲修之產

乃特割田二十餘畝專隸學以爲修治計學益便之乾隆二十有

四年大成殿梁木告壞其門廡祠宇率多內蠹不支邑宰徧延諸

紳士謀整理君遽前曰此固吾輩事也請自大而成殿而下獨任其

所當修與當建者遂計其地重而費博者數處任之則已盡學
宮之七八矣余於辛巳莅茲邑始至敬謁聖廟仰見正殿巍如煥
如兩廡翼之繩直矢棘旁吏人則皆君所任修而次第告厥成功
之祠莫不艸若初飾問之吏則皆君所任修而次第告厥成功
者也余悚然歎息以爲昔固有捨宅爲學宮者誰謂今人不及昔
乎吏因爲言君樂善好義其敬教勸學之心尤肫且篤即他邑有
以助修學事請者無不立應於本邑既已任之則必完且善不
年已七十餘矣每從一僕數年中戰門未建而景命不融聞君疾
革時呼次嗣員外樹榮曰學宮戰門未建而景命不融聞君疾
急爲我就星三門及左右兩坊門煥然交峙則又與殿廡門柱重
昔所修櫺星三門及左右兩坊門煥然交峙則又與殿廡門柱重
丹聖而藻績之練日告成曦溫雪霽匾額輝煌與堂上龍幄神櫺
諸器物相映燭亦君近所新製也階除之下雲橫砥平而余得偕
同官稽拜如禮以願二君世盛因憶昔陸沈二公當學宮落成時邑
長舉酒祝之曰願二君世盛因憶昔陸沈二公當學宮落成時邑
余敬君父子相繼重葺功等勦造亦欲以
是爲稱願焉且以勸邑之富而好禮者

修兵部侍郎沈初等捐資葺

沈初重修學宮碑記署平湖之有先
邑始我朝承舊制而修之者凡六自屈封公天成比部樹榮喬
梓重葺而後迄今已十二載辛丑夏撼以颶風丹望剝蝕且圯墜

平湖縣志

卷三 建置上 學校

矣壬寅秋吳太史墩袁孝廉淳謀所以復新之來語初請屬諸
能者而願以未議參屈水部世楣徐別駕維祺等首先倡率於是
儒紳踴躍輸金庀材鳩匠不日雲集費省於前制增於後昔之
桷以彩繪今則丹漆莫不更新廟之外崇聖祠明倫堂孝友祠龍
吟閣經義治事兩齋塗之堅八月十七日葺較前人所費僅十之
石欄規畫盡善經始於壬寅八月十七日葺較前人所費僅十之
日計費白金二千九百兩有奇設簿稽核較前人所費僅十之
而土木經理者有陸秀才子知任事者之彈而萃勤也維
時始終經理者有陸秀才子知任事者之彈而萃勤也維
人向使此諸君子或靳於費或憚其勞而不同心協力以贊斯舉
其曷以觀厥成歟愛撫其本末以書於石按是年倡捐五人沈
初吳墩徐維祺屈世楣徐如珍始終董修十人陸子鑑馮錫貴沈
國樞陸紹聞沈鴻達袁淳袁勃何永溱吳鼎燮王念曾協理二十
一人屈瀚張楹屈宗到屈馮何謙沈朝炳陸嘉鑄吳揆黃錫陸
源灝黃鳳陸升泰及鳳馮士模馮庚徐志恆沈樹績胡彥超馮
淑誠附錄 監生張誥兄弟捐資一千一百兩重建兩廡
志誠附錄 監生張誥兄弟捐資一千一百兩重建兩廡
碑記乾隆壬寅歲初與同里諸君子倡議葺文廟張上舍誥昆
季獨任修兩廡既將事見舊制庫與正殿未稱且宗柱細削胡可
以久乃改工作配殿東西各三楹崇二丈四尺有奇址亦加累五
餘構材鳩工咸極鄭重一切制度整飭從新足以煥觀瞻而與殿

宇規模胥協矣其旁四楹皆易木柵為長窗甃瓦之瑣碎者去之赤白之漫漶者飾之翼然拱於左右既與且崇神其孔安也已不加遽域於地也不增高藏器齋宿諸所別於先賢先儒神之所宅也是舉也其深有合於禮意也夫上舍親弟孝廉誠諸生論從弟族同建襄理者其嘉慶二年知縣李賡芸監修櫺星門石欄七年

知縣路錞重修大成殿崇聖名宦鄉賢三祠及明倫堂路志八年邑

人張誥捐修西廡十九年邑紳重修大成殿二十三年知縣劉肇

紳敦諭章鈞沐訓導程夢麟捐修經義治事兩齋肇紳有記道光十五

年重修大成殿櫺星門十六年邑人施鏞黃世恩等復於櫺星門

外建設樅栝長十三丈有奇又於河口列樹為表下設石欄二座又邑人

徐光濟捐修明倫堂十九年邑紳重修兩廡府志兵燹後悉遭毀

損同治間邑紳徐鼎基等集資次第興復規制如初惟儒學門奎

星樓栢林書屋未建新纂廟制中為大成殿三間東廡配殿西廡配殿

平湖縣志 卷三 建置上 學校 二十九

各三 經籍庫東廡之北齋宿房洗罇所東廡之南祭器樂器庫西廡之北齋

宿房廩給房西廡之南殿前石臺一座下為石陛正南戟門五間櫺

星門三座左右石坊兩座左曰瞻之右曰仰止石欄一帶東西下馬

碑越大街為泮池石欄及萬仞宮牆一座櫺星門內東名宦祠西

鄉賢祠各三間戟門內中為聖人之門殿西北崇聖祠前為明倫堂

東經義齋西治事齋各三間兩齋南北皆有號舍各兩間前為儀門三間

門外東為謁聖門一座康熙四十五年教諭方元亮移至敬一亭前即其地改為教諭署大門雍正八年修

學更韓文公祠三間敬一亭一間門內西為忠義孝友祠三間儀門

外甬道折而東為儒門三間其上為奎星樓門外為八字牆又其

外為河埠明倫堂東為教諭署西為訓導署並詳公署學門內東為柏

林書屋三間雍正六年邑人俞錫齡等建為會課公所後圯建昌黎祠書屋移建稍南西為市房七間

按萬曆二十年知縣黃焰於奎星樓西造
周圍圍牆一百一十丈

有奇東為龍吟閣三層
王志經閣未建斯為缺典
惟尊經閣按學校規制周詳


學宮圖一


平湖縣志

卷三

建置上 學校

三十





平湖縣志

卷三

建置上 學校

三十一

祭器 宣德時始置文廟祭器俱用處州青瓷

雍正初尚存酒海一

萬曆九

年燬於火二十二年知縣黃焰教諭吳錫德更置以木

程志

國朝康熙二十六年教諭姚醇熙訓導謝師昌修補續置木器

朱志

雍

正十年督學李清植飭添換籩豆簠簋等物咸以錫乾隆二年知

縣王之琪教諭嚴瑞隆又增置木器

高志

乾隆八年候選同知屈天

成捐增銅器

張志

五十一年知縣王恆修補重置錫器

王志

王恆

郡縣之有覺宮覺宮之有祭器尚已苟祭器或缺甯足以昭誠敬
 余於乙巳歲來莅當湖釋菜之時見籩豆鉶爵卣布鼎觶杓等
 物雖無不具然歷年既久剝蝕滋多慨然久之擬為編校一新以
 奉春秋二祀孝廉張誠諸生陸子鐘請於余曰此某等事當為製
 備以供時饗於是紳士徐維祺屈世楣等共樂輸將不數旬而窳
 者完之畧者補之凡堂上堂下阼階西階應列之器莫不咸備自
 是而納牲詔於庭血毛詔於室羹定詔於堂洞屬屬莫不咸備自
 嘻此皆張孝廉等竭誠於中恪事於外具見釋回增美之德能上
 達於先聖先賢所謂敦善行而不怠者非耶余承乏是邦
 潔齊有志茲得諸君之助實獲我心宜敘數言以誌於石

道光十

六年邑人徐光濟添修府志咸豐十一年燬於兵同治八年教諭

嚴嘉榮倡捐重置崇聖祠祭案五爵案二祝案一大成殿祭案五爵案二凡祝版二銅爵八

十有三登一錫簋二錫簋二錫簋二錫釶二後以禮樂公產租息陸續增

置木豆四十各案鑪鐙均以木為之教諭何增榮募置

祭器廚新纂

樂器 邑庠舊無樂器每丁祭則集樂工將事康熙五十七年巡

撫朱軾飭置諸生俞錫齡陸世琮吳鵬九金大醇請於知府吳永

芳始捐置鵬九仿工製備世琮為之教演雍正十年督學李清植

復飭增置高志纂陸世琮樂器贊言當湖析縣建學三百餘年禮既苟簡樂亦闕如余自癸未迄今兩丁駿奔歷有年

所丁酉春今大學士山右朱公鎮撫兩浙下令各庠修整樂器遴選佾舞余購得前張大中丞禮樂考一書其間繪圖燦然歌章具在乃按圖置備循聲教演得八十六人充當其事由是我邑人士可因禮而觀樂即可因樂而行禮自堂上以至堂下由初獻以及

平湖縣志

卷三 建置上 學校

終獻稍知聲容節奏私幸向者隕越之罪可以免矣曾不數年廟學頹圯司閫不謹毀損過半歲庚戌孝廉乾若徐君倡修文廟余得從諸君子後克勸其事乃為建庫以收藏樂器并將殘缺者補之今而後庶可垂永久乎敢贅一言以質諸秉鐸先生 乾隆

二十六年訓導李芑修補王志咸豐十一年燬於兵同治七年舉人

錢炳奎生員時元勳暨嘉興職員戈為鵬監工製造並教演樂舞

鑪鐘一晉鼓一楹鼓二玉特磬一石磬一編鐘十有六鑄鐘一籥三十有六翟三十有六磨二節二皆有架祝一敵一笛六簫六笙六壎二鼗鼓二搏拊二教諭何增榮募置樂器廚光緒

三年以禮樂公產租息建樂舞廠於石臺新纂

按以上禮樂各器攷之通禮尙未周備俟有志修明者任焉

經籍 書籍向藏西廡北第一間教諭法暄始置知縣丁應寶李

實增之萬曆十六年大風廡圯書多亡失知縣劉士瑗尙書陸光

祖復置按萬曆九年廟災時知縣劉士瑗十六年風災時知縣乃江環也見上學宮及職官志上下必有一誤四十

年教諭張蔚然捐俸增置

程志 教諭張蔚然鵠藏書記余嘗

書故不易聚蓋自馬河畫卦麟野刪經以還凡歷幾厄為秦為莽為卓為繹為煬為安史為巢為靖康之變非焚即儒何多故與每意藏書之富必在石渠東觀然隋嘉則殿僅至三十七萬竟冠今古唐四庫宋三館皆莫及也私家之藏葉石林十萬卷遂雄宋代其難如此余性無他嗜獨嗜書劍自弱冠見異書暨寶刀不惜傾橐以購既逾壯則一意嗜書家無負郭惟藉筆耕二十年脩脯所入悉以購書故以一貧士積書至七萬卷此亦千秋奇事辛亥視學鵠湖蒐學舊藏得六百餘卷又殘編二百卷俱從塵封蠹蝕中拭而緝之復自益以註疏語錄講義憲條三百五十卷合之千卷特置庫室謹鐫篋以藏焉或曰是寥寥者藏書耶予曰噫散易而聚難且九仞之山托基一簣萬卷之積不自寸函始耶故備述古今聚散之由公私蓄儲之概以俟後有感而繼益者是為藏書記

國朝康熙二十二年教諭趙嘉暹訓導謝師昌續置經書七種

朱志 雍

正八年生員俞錫齡捐置經史一十五種俱已散失

高志 乾隆時

欽頒書籍凡六十有五部謹藏東廡兵燹後已無存同治年間憲頒書籍

御纂周易折中 欽定書經傳說彙纂 欽定周官義

詩經傳說彙纂

欽定春秋傳說彙纂

平湖縣志

卷三 建置上 學校

三十三

疏 欽定儀禮義疏 聖諭廣訓 欽定磨勘條

例 十三經古注 四書五經 孝經 文廟祀位考 三魚堂

文集年譜 文昌 並藏學署

孝經 鄉約章程

按廟學志云張孝先先生發朱子諸書存學悉為教諭方元亮

取去位在師儒監守自盜有前鑒已今特詳列書目凡遇新舊

去留之際必得兩學師暨二三紳士協同交代庶可永保於不

失云

學額 明制廩膳生二十名歲給廩糧膳之

詳食貨

增廣生二十名

附學生無定額多至九十六名少則十餘名

程志天啟間以殿工令俊秀得捐納入學

國朝康熙元年始額定歲科兩試各十五名十五年減為四名時以

軍需准捐納入學除正額四名外有至一百十二名者二十年復

十五名舊額二十二年停止捐納入學二十九年增額為二十名

雍正元年歲試廣額七名五年升為大學增額至二十五名乾隆元年歲科兩試並廣額七名嗣後凡奉

恩詔俱廣額七名咸豐六年因捐廣永額五名十年又廣永額一名同治四年補戊午又廣永額四名共額三十五名定為例暫額無常有餘加暫額一次多寡眡捐廩膳生二年一貢遇

恩詔增恩貢一名選拔貢生舊以十二年雍正間以六年乾隆六年後仍改為十一年武生每歲試十五名又廣永額五名新纂

射圃 在山川壇左有亭明成化中知縣朱德奉學道鄭紀檄建

府柳志 嘉靖間築城後知縣劉存義遷壇於南城外因併遷設知縣

顧廷對置射器尊一有罍壺二勺三爵八罈五籩十六豆十六俎案八筐二壘一檉禁一筐壘案一洗一鐘一鼓一

馨一琴一瑟一笙一和一篇一塤一席九侯一侯架一乏一旌一弓十六矢六十四決十六拾十六極十六并夾一扑一楅一鹿中

平湖縣志

卷三 建置上 學校

三十四

一籌八旋廢王志按邑有射圃石渠禮論所謂鄉射合樂之說也今射器久廢射圃僅存其名而仍纂入者蓋邑人趙韓有云不無望有其舉之者且使禮器雖亡他日按籍可稽亦得顧名思復云

按學田羅侯田文廟歲修產學宮歲修產禮樂公產均詳義產

當湖書院 在南門內陸清獻祠後乾隆十五年知縣閻公銑遷

崇文書院改置監生張嶸捐資建又捐銀一千兩歲生息一百兩

為院長束脩今由知縣捐廉張志纂知縣閻公銑當湖書院碑

國至於州黨莫不有學漢以降惟國學不廢宋慶歷中始詔天下郡縣皆立學維時學之中舍宇足以聚生徒餼廩足以贍膏火學凡書籍器物無外求者又聘宿學重望之賢為之師故來學常數十百人而儒術之盛直遠踵三代厥後朝廷設官以教取人限於資格學之規制寢廢不復覺序之內絃誦闐然此書院之設所以不可廢也夫書院昉於唐而盛於宋集賢麗正特創於京畿鹿洞鵝湖洵熾於州郡我國家誕敷文教廣厲澤宮復頒發帑金於各省建立書院郡縣亦令次第興舉丁卯春余自嘉邑量移茲土訪舊有書院屋僅三楹湫隘逼仄又附於梵宇殊非土人肄習地迨謁陸清獻公祠思公之學行純正洵足勵風俗而正人心

書院之設允宜在是且念自為諸生歲事授徒通籍後辱郡諸
迫謬主北平書院講席者數年茲膺劇邑卒徒簿領未得時進縣敦
生而教之迺捐脩脯延南香陸先生為山長祠集邑之雋講學數弓
於祠月以為常第齋廡無多恆苦人滿周覽祠後尚餘隙地數弓
廢為榛莽時日營指畫思有以增廓之正月經始屬明己冬會瀛
人張嶸願捐已貲以成其美爰於庚午正耀實屬明己冬會瀛
文學馬鵬程董其事閱三月落成壯偉曰當湖書院於是會講
有堂退息有室庖器用罔不畢備顏曰當湖書院於是會講
之有感矣今夫士人窮年兀兀吟手披將以蕪闕藻擷華掇取
科第然我朝淹雅宏通之彥所在森列至從祀闕里廟庭惟清
獻公一人而縉紳之東西行過是邦者莫不趨拜於祠下可
知士必先行誼而後文章也諸生幸近之居公之世未遠嘉
言懿行耳熟口傳茲復得昕夕仰瞻升堂習禮知必有感奮與
慨然奉公為師法者將見修之士接武駢肩處於鄉則令
人薰其德而善良仕於朝則使世蒸然而向化是書院之設大有
裨於風俗人心非余之至願也哉遂書以誌後之肄業是堂者

大門一間正誼明道堂三間左右書室二間閭公祠堂三間西首

書房一間西南講舍三間知縣閻公銑題對照廚房三間乾隆

五十年知縣王恆重修添建樓房五間湖書院碑記節畧當湖舊

平湖縣志 卷三 建置上 學校 三十五

有書院向附於僧寮以存其名乾隆十五年昌黎閻公來令是邑
始於清獻公祠後隙地營建數楹其時邑人張嶸捐資以成其美
迄今多年風雨剝蝕遂治無聞師生撤席今歲四月余自慶元量
移來茲展謁清獻公祠遂閱書院乃見荒涼頹落煥然於心於是
首捐百金以爲之倡遂有衿士戈宏堦沈炳涼朝煥徐鏡等合力
釀金踴躍從事其董斯役者乃陸子鑰馮錫貴二生不辭勤勞俾
舊時廊宇煥然一新猶念廡宇無多不敷分坐又爲建樓五楹且
以書院匾額舊在祠後從孝廉張誠昆仲之議並榜之於門使覽
者昭然知爲當湖肄業之所庶幾藏脩息游足爲多士勵志之地
矣屈計是工始於乙巳五月十七日落成於八月十三日凡八十餘
日其木漆釘灰瓴甌匠之屬共銀九百兩五十四年監生張
有奇所有出資以助斯役者悉書其姓名於左

誠捐膏火田詳義知縣王恆詳憲立案並立規條刻石張誠新捐

田地蕩舊冊戶名張丹九今拆立當湖書院當飭莊架書印註推
收文契業單編號鈐印交紳士公保延請伏讀雍正十三年
重經理嗣後各州縣果有殷實良民倡立義學義田等事許其具
呈本縣詳報立案仍聽本人身自經管胥吏土豪不得干涉希圖
漁利欽此今張誠倡捐義田每年司歲應聽本家協同保舉一絕
挪移義田租息止供寒士膏火一切公事概不借用至山長脩金
自移張嶸舊捐銀歲生息一百兩毋煩分新捐花息當事及司歲


幸勿徇私一籌賦稅捐田在乾隆五十四年九月初一日是年條
 銀完誠掃數全完惟漕米未完嗣後交代以捐田日為期司歲
 者完當年漕米完一年條銀如遇歉告知當事停給半載膏
 火留待後司歲完賦一定課額每年正月知縣甄別一次取定正
 課生童按月分給膏火三次不於附課挨名頂補一嚴試課童一
 百人不給膏火正課三次不於附課挨名頂補一嚴試課童一
 以月之初二十六日為期知縣親至院中與山長命題公試並延
 請學師監之一備修葺院宇餘資司歲量為葺治一謹出入租米
 長不到院停一兩月課積有餘照額清還司歲給予收票如拖
 在院斛收預飭各佃冬至後三日照額清還司歲給予收票如拖
 欠及過期不還照羅租例入比較簿圖差勒追司歲無論米
 價賤隨收隨糶立冊登記以憑交代仍條開細數貼院中
定肄業生員二十人童生三十人朔望兩課人歲給膏火銀五兩
 王道光時增生員正課十人生童各三十人課給膏火錢一百七
 如膏火附課各十人課給膏火錢一百二十五文其前列各五人另加花紅錢
 之數附課各十人百二十五文今按月三課以三為期上旬
 中旬下旬院課由生童正附膏火尚未盡復舊焉新纂
 司歲交禮書分給

當湖書院圖一

平湖縣志

卷三

建置上 學校



當湖書院圖

觀海書院 在乍浦南門內舊名九峯書院乾隆四年海防同知

林緒光建計八間 乍浦志 劉錫勇九峯書院記 浙江沿海諸堡

壓之山川清淑之氣蜿蜒盤鬱之久而必彰將於是乎蔚人傑以顯地靈也而我林使君乃於是時建九峯書院以教子弟焉夫

書院之設在宋為白鹿洞彝倫示訓不啻日月經天矣元代亦設

山長以誨諸生而前明顧端文公東林講學最善誘人我朝重

道崇儒人材輩出鄉賢陸清獻公挺生其松陽講義一書深切著

明足為後學規則令當世師以是傳弟以是習行見理學昌明治

道日古茲使君之設書院也其非徒肄舉業之謂其謂修己治人

明體達用之道胥在乎是而望此士之化行而俗美也抑昔之善

造士者莫若胡安定公經義治事兩齋備內聖外王之學顧是詩

公本教授蘇湖職有攸司使君乃以憲邦重望防邊治海之殷繁

勤勤於此舉職思其外洵非尋常俗吏之所能及矣使君名緒光

字鳳溪號餘齋福建侯官人初以舉人宰平湖改任海甯遷乍浦

海防同知今攝兵備道篆書院落成於乾隆四年夏四月是

役也里人宋炳率諸同志協力贊襄厥功甚偉例得附書 三十

八年知縣董鈞改今名四十二年知縣劉雁題重建邑人捐田地

官為辦糧又捐銀六百兩歲生息為院長束脩 張志 王志

租詳 義產

平湖縣志 卷三 建置上 學校 三十七

重建者為監生朱錫祚劉欽文捐田則梅世 咸豐中九峯觀海各

賢徐兆麟朱珩其捐銀諸人姓名舊志不載 延山長課士分為二院後值兵燹俱燬廢同治中邑人陳佩璲等

捐田助資舉行考課為觀海書院光緒四年移建於城北舉人張 天翔等捐資請於縣延師開課為九峯書院附廣仁堂 新纂

蘆川書院 在新倉乾隆間知縣王恆於市東武聖殿西偏設立 扁額延師課士未有院宇同治四年廩生徐步瀛捐基移建造樓 屋五間廚房三間東西廂房兩間西曰洗心處東曰寶文齋惜字 亭附焉又與舉人馬承昭等勸捐田若干畝 詳義 為師長束脩及 膏火資通詳立案 知縣姚光宇蘆川書院記 署蘆川書院者乾隆

粵匪之擾遺蹟蕩然同治初徐明經步瀛遵其先人遺志首倡 捐購地建廈與同志諸君子綢繆經畫十餘年來捐集田贏六百 畝於是講肄有所修脯有資膏火有額校課有程出納鉤稽規制 秩秩既已通詳大府泐石刊書垂之永久矣屬光宇承之茲邦明

經請爲之記宇嘉明經任事之誠立心之遠有不能默而息者敢
斬一言以諗多士蘆川距城三十里而近物力殷阜士氣秀靈自
雍正中文學始振延至於今科名甚盛嘗考蘆川之水來自泖湖
泖湖清獻陸公之故居也清獻講聖賢之學建爾安書院以授生
徒百餘年來人文蔚起今泖水東注而其氣聚於蘆川文物昌明
有由來矣抑俊髦者庶民所由觀感也亢戾之氣化以詩書廉恥
之原興於禮讓洙泗四教文居一而行忠信列其三焉然則遊於
斯者尚其根經術以爲辭章先器識而後文藝庶幾紹承絕學興
起斯民抒之爲國華薰之爲善俗而不徒以芥拾青紫爲
里閭光榮斯則明經之志而不佞所拭目以俟者也 新纂

新溪書院 創始無考向借新埭同善堂延師課士新春甄別按

季分課院未有產官備束脩光緒六年里人沈玉書創捐田畝以

作院基尙未建造蔣曉樓郭照林復捐田若干畝以作諸生膏火

俱詳義產
新纂

介庵書院 在案山明總督胡宗憲爲都督陸松建久廢 程志
王志云

松字介庵陸炳父也炳爲世宗親信大臣是時宗憲受勦倭之命
有鑒於王忬張經李天寵之事思附炳以爲奧援趙文華蓋與同

平湖縣志

卷三 建置上 學校

三十八

事故於府圖記鄉賢內稱松備至朱志不
著其由高志以下遂誤松爲淞失之遠矣

崇文書院 在報功祠明嘉靖間知縣陳一謙立後廢 程志

國朝雍正元年知縣林緒光移設德藏寺大殿後監生劉並佳等捐

資建改名鳳溪 鳳溪 林字 四年知縣楊克慧改爲崇文義學乾隆五年

知縣方以恭復舊名十五年撤料建縣丞署 王志

天心書院 在舊帶爲陸氏義塾久廢 程志 明松江
莫如忠有記

靖獻書院 在陳山以祀陸正久廢 九山
補志

呂公書院 在南門外康熙中知縣呂猶龍建後改爲呂公祠邑

人陳澄中置田三十畝奉祀今改爲庵 府吳
志

爾安書院 在顧書堵東陸清獻歸田後所築中有傳心堂清獻

著書於此今廢 王
志

柏林書屋 在學門內東雍正六年邑人胡紹泉俞錫齡張建

沈方蕙建為會課公所 王志 俞錫齡柏林書屋跋馬心易先達

尚亦一時也節訓耶則知師以節訓士以節勵固不當為桃李敷榮取

艷一也胡公原仲張公元夏沈君孝則同不佞仿故址之巽建

兩檐仍在柏林之中因藉舊名而顏之蓋欲以節自勵并希後之

居是屋而讀書於其間者亦以節勵云 按舊在敬一亭西不詳

建人姓氏以教諭張蔚然樹柏故名後 咸豐十年燬今未建 新纂

社學 在治東城隍廟左康熙二十七年知縣朱維熊捐建 學基

一釐 延請塾師講習廩餼俱知縣捐給 朱志 知縣朱維熊新

三毫 舊有社學明成化時當作宏治曾塞舒公并築舍於其上嘉靖間

陳令一謙所建址在縣治北暨報功坊側歷年久遠今則無復存

者余視篆之二年考社學興廢因不禁喟然久之湖邑大海迴環

生其地者多鍾九峯三泖之秀以故名臣輩出科名盛甲七邑然

茅檐蓬戶豈無目不覩詩書身未習揖讓欲就學而無從者乎夫

教民成俗有司職也爰謀諸鄉先生及博士弟子員捐俸置李生

旃宅俾立為義學宅故存屋數間棖楠頽壞久不蔽風雨鳩工庀

材先以廳事三楹葺而新之為塾師講習地高爽塏疏有踰其舊

平湖縣志 卷三 建置上 學校 三十九

廳之後建三楹剪刈穢荒較故基稍廓焉其旁又增以書屋南北

各三楹迴廊相接由門歷廳中有小樓介其前司啟閉者宜居之

至繞屋隙地可植竹繚以垣墉嘉蔽蔭殆鬱然云歲殖之某月與

邑士大夫觀落成焉屬余為之記余維傳有之學猶殖也月殖

將落古聖王惟慮民之失學也故二十五家之間必有左右塾

必有師師必以仕而老於家者為之而其時無不學之民亦敦

禮義而黜淫靡厥後法壞鄉閭子弟遂有終身不知學者此俗日

偷而風日薄也自今以往惟願湖之子弟求學而力不瞻者欣欣

咸集而為之令者月給經師廩餼使無怠教而其父兄亦不復驅

之耕田服賈俾得卒業安在掇巍科而顯事功不從此出也哉是

役也董其成者乃太學生秦又容布衣陸雲亨 三十六年知縣王

厥功不可泯例得附書勒之碑從士大夫請也 瑋暨紳士共捐田地 歲收其租之入作塾師廩餼 瑋張有記 舊

制大門一間二門一間觀成堂三間書廳三間小屋三間 王志

按舊社學在德藏寺東南塔東十步舊舒公井上明宏治四年

知縣林奇建 府柳志 舒公不知何代人并在博陸祠西德藏

文餘濬之其深不測水泉洶湧 進出懼而塞之後為社學基

義學 明嘉靖三十七年知縣陳一謙建 共三所一在北門內久

廢程志

國朝乾隆五十三年知縣王恆於新帶新倉鎮各設義學一所 並在倉

左 今廢光緒六年邑紳籌款請於邑之四門各設義學以教寒畯

子弟之無力讀書者知縣彭潤章通詳立案 新纂倉橋南光緒六年知

縣彭潤章以贖鍰購基鳴司圩三分六毫江蘇候補主簿周楷復

捐廣學基鳴司圩二分五釐六毫旋即由縣籌款建造一在南

禪寺一在東林禪院一在湖隱庵皆假寓僧寮每學延一諸生為師學生不得過二十人